

# Cari mekanisme terbaik struktur pinjaman semula

**PANTAI CHENANG** - Kerajaan negeri masih mencari mekanisme terbaik untuk penstrukturan semula pembayaran balik pinjaman membina kampus Kolej Universiti Insaniah (Kuin) di Kuala Ketil berjumlah RM330 juta.

Menteri Besar, Datuk Seri Mukhriz Mahathir berkata, pihaknya kini sedang berunding dengan kerajaan pusat khususnya Kementerian Kewangan untuk mencari kaedah terbaik dalam usaha pembayaran ansuran itu yang sebelum ini dilakukan oleh keraja-

an negeri terdahulu.

“Penstrukturan ini dilakukan bagi mengurangkan beban kerajaan negeri. Kita terpaksa bayar balik pinjaman RM 46juta setahun selama 15 tahun,” katanya, semalam.

Menurutnya, perbincangan kelak lebih terarah kepada bagaimana cara untuk mengurangkan bayaran tahunan terbabit.

“Kita akan bincang semula perjanjian pinjaman yang terdahulu, yang mana sebenarnya ia tidak mendapat kelulusan daripada Kementerian Kewangan,” katanya.